

sóknastofnunar í styrknum vegna kostnaðar við stjórnun og þjónustu. Sama gildir um þjónustuverkefni sem eru unnin á vegum Hugvísindastofnunar eða rannsóknastofnana innan hennar.

Hugvísindastofnun, stofum hennar og stofnunum sem innan hennar starfa, er heimilt að taka að sér þjónustuverkefni gegn gjaldi. Þjónustuverkefni skulu að jafnaði tengjast rannsóknnum, kennslu eða endurmenntun við heimspekideild. Þjónustuverkefnum Hugvísindastofnunar geta kennarar og sérfræðingar heimspekideildar sinnt eða starfsmenn sem ráðnir eru sérstaklega til slíkra verkefna. Hugvísindastofnun greiðir í Rannsóknasjóð Háskólans ákveðið hlutfall af öllum tekjum af þjónustuverkefnum samkvæmt nánari ákvörðun háskólaráðs. Að öðru leyti fer um þjónusturannsóknir samkvæmt samþykkt stjórnar stofnunarinnar sbr. 3. mgr. 8. gr.

Veiti Hugvísindastofnun þjónustu í frjálsri samkeppni við atvinnustarfsemi annarra aðila skal sú starfsemi stofnunarinnar afmörkuð frá öðrum rekstri. Gæta ber að þeim ákvæðum samkeppnislaga sem banna niðurgreiðslu samkeppnisrekstrar með opinberu fé.

Um stjórnunar- og aðstöðugjald af sértekjum fer eftir ákvæðum 72. gr. reglna fyrir Háskóla Íslands.

#### 11. gr.

Reglur þessar, sem háskólaráð hefur sett á grundvelli heimildar í 2. mgr. 9. gr. laga nr. 41/1999 um Háskóla Íslands, sbr. 27. gr. sameiginlegra reglna nr. 458/2000 fyrir Háskóla Íslands, öðlast þegar gildi. Jafnframt falla úr gildi reglugerð nr. 89/1983 um rannsóknastofnanir við heimspekideild Háskóla Íslands og reglugerð nr. 897/1999 um Hugvísindastofnun Háskóla Íslands, sbr. 1. mgr. 130. gr. reglna nr. 458/2000.

*Háskóla Íslands, 25. október 2001.*

**Páll Skúlason.**

*Þórður Kristinsson.*

## REGLUR

### um Rannsóknastofu í kvennafræðum við Háskóla Íslands.

#### 1. gr.

##### *Almennt.*

Rannsóknastofa í kvennafræðum við Háskóla Íslands er vísindaleg rannsókn- og fræðslustofnun sem starfrækt er af Háskóla Íslands.

Stofnunin heyrir undir háskólaráð og hefur að markmiði að vera þverfaglegur vettvangur fyrir rannsóknir og miðlun þekkingar á sviði kvenna- og kynjafræða og jafnréttisrannsókna.

#### 2. gr.

##### *Hlutverk.*

Hlutverk Rannsóknastofu í kvennafræðum er:

- a. að efla tengsl rannsókna og kennslu og samhæfa rannsóknir í kvenna- og kynjafræðum og jafnréttisrannsóknir sem unnið er að við Háskólann,

- b. að stuðla að samstarfi við innlenda og erlenda rannsóknaraðila á sviði kvenna- og kynjafræða og sterkum tengslum við atvinnu- og þjóðlíf,
- c. að skapa rannsóknaaðstöðu fyrir sjálfstætt starfandi fræðimenn og unga vísindamenn sem vinna verkefni á vegum stofunnar,
- d. að veita nemum í rannsóknanámi aðstöðu og búnað til rannsóknastarfa og veita nemum þjálfun og reynslu í vísindalegum vinnubrögðum með því að gefa þeim kost á að vinna rannsóknastörf á vegum stofunnar eftir því sem unnt er,
- e. að sinna þjónustuverkefnum á sviði kvenna- og kynjafræða svo sem ráðgjöf fyrir aðila utan Háskólans,
- f. að koma á fót gagnabanka um kvenna- og kynja- og jafnréttisrannsóknir,
- g. að gefa út og kynna niðurstöður rannsókna, gangast fyrir námskeiðum, fyrirlestrum, ráðstefnum auk endurmenntunar og veita upplýsingar og ráðgjöf um kvenna- og kynjarannsóknir,
- h. að leita samstarfs við deildir háskólans um að auka þátt kvenna- og kynjafræða í kennslu fræðigreina.

## 3. gr.

*Aðstaða.*

Háskóli Íslands lætur stofnuninni í té starfsaðstöðu, svo sem húsnæði og búnað eftir því sem kostur er.

Stofnunin veitir starfsliði sínu skv. 5. gr. aðstöðu og nauðsynlegan búnað til rannsókna eftir því sem unnt er.

## 4. gr.

*Stjórn.*

Háskólaráð skipar Rannsóknastofu í kvennafræðum sex manna stjórn og tvo varamenn til tveggja ára. Hvert eftirtalinnna fræðasviða tilnefni einn fulltrúa: samfélagsvísindasvið, hugvísindasvið, verk- og raunvísindasvið og heilbrigðisvísindasvið.

Háskólaráð skipar tvo fulltrúa og tvo varamenn án tilnefningar.

Stjórnin skiptir með sér verkum.

## 5. gr.

*Stjórnarfundir.*

Formaður stjórnar boðar stjórnarfundi bréflaga, eða í tölvupósti, með þriggja daga fyrirvara. Fundarboð skal greina frá dagskrá fundar.

Skylt er að boða stjórnarfund óski tveir eða fleiri stjórnarmenn þess. Sama gildir ef rektor ber fram slíka ósk og hefur þá hann, eða sá sem sækir fund í umboði hans, málfrelsi og tillögurétt á fundinum.

Falli atkvæði jöfn á stjórnarfundi ræður atkvæði formanns eða þess sem gegnir formannsstörfum.

Halda skal gerðabók stjórnar og skulu staðfestar fundargerðir færðar í hana. Afrit fundargerða skulu send forsetum þeirra deilda sem tilnefna menn í stjórn, sbr. 1. mgr. 4. gr.

Forstöðumaður situr stjórnarfundi með málfrelsi og tillögurétt en án atkvæðisréttar. Sama gildir um formann námsnefndar í kynjafræðum við Háskóla Íslands.

## 6. gr.

*Verkefni stjórnar.*

Stjórnin tekur allar stefnumarkandi ákvarðanir fyrir stofnunina og ber ábyrgð á fjármálum hennar gagnvart háskólaráði. Stjórnin sér um að hlutverki stofnunarinnar sé fram-

fylgt, ákveður rannsóknastefnu stofnunarinnar, veitir fé til einstakra rannsóknaverkefna og samþykkir rekstrar- og fjárhagsáætlun. Stjórnin sker úr í vafaatriðum sem upp kunna að koma og varða innri starfsemi stofnunarinnar.

## 7. gr.

*Forstöðumaður og starfslið.*

Rektor ræður stofnuninni forstöðumann að fenginni tillögu stjórnar stofnunarinnar, sbr. 6. tölul. 27. gr. sameiginlegra reglna fyrir Háskóla Íslands. Rektor setur forstöðumanni erindisbréf. Skál sá sem ráðinn er forstöðumaður hafa meistara- eða doktorsgráðu eða annað sambærilegt háskólapróf.

Forstöðumaður vinnur að rannsóknum á sviði kvenna- og kynjafræða:

- a. með eigin rannsóknum,
- b. með umsóknum og þátttöku í norrænum og evrópskum rannsóknaráætlunum,
- c. með því að hvetja til rannsókna á ofangreindu sviði.

Forstöðumaður annast daglegan rekstur stofnunarinnar, sér um áætlanagerð og fjáröflun og samræmir fjáröflunarleiðir. Forstöðumaður sér ennfremur um framkvæmd á öðrum þeim málum, sem stjórnin felur honum.

Um ráðningu annars starfsfólks fer eftir ákvæðum sameiginlegra reglna fyrir Háskóla Íslands. Sé um að ræða ráðningu í starf, og ekki er gert ráð fyrir því starfsheiti í reglunum, fer stjórn stofnunarinnar eða forstöðumaður í umboði hennar með ráðningarmálið.

## 8. gr.

*Fjármál.*

Tekjur Rannsóknastofu í kvennafræðum við Háskóla Íslands eru eftirfarandi:

- a. fjárveitingar skv. ákvörðun háskólaráðs,
- b. framlög vegna samstarfs við aðila innan og utan Háskóla Íslands,
- c. styrkir til einstakra verkefna,
- d. greiðslur fyrir þjónustustarfsemi,
- e. tekjur af útgáfustarfsemi,
- f. aðrar tekjur, t.d. gjafir og framlag úr ríkissjóði eftir því sem kveðið er á um í fjárlögum.

Reikningshald stofnunarinnar skal vera hluti af reikningshaldi háskólans.

Sé um að ræða útselda þjónustu, sem veitt er í samkeppni við einkaaðila, skal sú starfsemi fjárhagslega afmörkuð frá öðrum rekstri stofnunarinnar og þess gætt að sá rekstur sé ekki niðurgreiddur með öðrum tekjum, í samræmi við ákvæði samkeppnislaga.

## 9. gr.

Reglur þessar, sem háskólaráð hefur sett á grundvelli heimildar í 2. mgr. 9. gr. laga nr. 41/1999 um Háskóla Íslands, sbr. 27. gr. reglna nr. 458/2000 fyrir Háskóla Íslands, öðlast þegar gildi. Jafnframt fellur úr gildi reglugerð nr. 125/1990 um Rannsóknastofu í kvennafræðum við Háskóla Íslands, sbr. ákvæði til bráðabirgða (9) í reglum nr. 458/2000.

*Háskóla Íslands, 25. október 2001.*

**Páll Skúlason.**

*Þórður Kristinsson.*